

Broj: 01-02-3-2178/16
Sarajevo, 28.01.2017. godine

Z A P I S N I K
16. REDOVNE SJEDNICE PREDSTAVNIČKOG DOMA PARLAMENTA
FEDERACIJE BIH, održane 24. i 25. 01.2017. godine

Sjednica je počela u 10.27.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Mirela Halilović, Kenela Zuko, Faruk Ćupina, Saša Mitrović, Safet Kešo, Boro Krišto, Ljuban Herceg, ministar Amir Zukić, a kašnjenje je najavio Nermin Nikšić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zapisnici 10. redovne i 15. vanredne sjednice usvojeni su bez primjedbi.

Prešlo se na izjašnjavanje o predloženim inicijativama.

Amra Kunovac pokrenula je inicijativu. Sa 50 glasova za, dva glasa protiv i uz 13 uzdržanih glasova, usvojena je sljedeća

I N I C I J A T I V A

prema Vladi Federacije BiH za hitno obezbjeđenje sredstava za finansiranje aktivnosti u Roditeljskoj kući za djecu oboljelu od raka i njihove roditelje koji dolaze van Kantona Sarajevo.

Amra Haračić pokrenula je inicijativu za održavanje tematske sjednice, koja bi tretirala problem zagađenosti zraka u Federaciji BiH, a koja nije usvojena (34 glasa za, jedan glas protiv uz 25 uzdržanih glasova).

Prešlo se na izjašnjavanje o dobivenim odgovorima.

Ilhan Bušatlić kazao je da nije dobio odgovor vezano za isplatu plaća i ostalih primanja u periodu od četiri mjeseca koliko Parlament nije zasjedao i koliko je to koštalo građane Federacije. Odgovorima su zadovoljni ili djelimično zadovoljni: Dževad Adžem, Almir Zulić, Amra Kunovac, Dennis Gratz, Slavica Josipović, Elvir Karajbić, Jusuf Bubica, Omer Škaljo, Emina Mutap, Mensud Borović, Rusmir Mesihović, Marin Barbarić, Bajro Makić, Alma Kratina i Nasir Beganović. Jasmina Zubić zadovoljna je odgovorima na neka pitanja a sa odgovorom od Kantonalne bolnice Zenica nije zadovoljna, te je pripremila inicijativu, koju će pokrenuti u sklopu Aktuelnog sata. Alma Aranut kazala je da nije dobila odgovor od federalne ministrice obrazovanja Elvire Diberović, a tiče se neraspisivanja janog konkursa za dodjelu sredstava za izradu doktorskih disertacija na području Federacije. Mirsad Topčagić nije zadovoljan odgovorom na inicijativu koju je pokrenuo prema Ministarstvu finansija za izmjenu uputstva o načinu obračunavanja i uplate naknade za zaštitu od prirodnih i drugih nesreća te dao komentar. Mira Ljubijankić ponovila je pitanje, kojim

traži od Zajedničke službe Parlamenta Federacije BiH i svih ministarstava da dostave informaciju koliko su zaposlili osoba sa invaliditetom? Kasim Mulalić nije zadovoljan odgovorom kojeg je dobio. Jasmin Kadić nije zadovoljan odgovorima na dva pitanja upućena ministrici obrazovanja a vezano za nagrađivanje učenika kao ni odgovorom u vezi donošenja Strategije energetskeg razvoja Federacije i dao komentare. Jasna Duraković-Hadžimerović dala je komentare na odgovore koje je dobila. Anela Šestić-Begović dala je kratak komentar na odgovore. Suzana Franjka Galić kazala je da nije dobila odgovor na postavljeno pitanje. Elma Đogić također je komentirala odgovore na postavljena pitanja. Mahir Mešalić nije zadovoljan odgovorom u vezi proglašenja 25. maja Danom žalosti u Federaciji i ponovo od Vlade Federacije BiH traži odgovor. Ismet Kurić nije zadovoljan odgovorom.

Zastupnička pitanja

Amra Haračić prije postavljana pitanja izrazila je razočarenje zbog neusvajanja inicijative na današnjem zasjedanju.

Traži urgenciju po pitanju koje je postavila Federalnom ministarstvu zdravstva, te ga ponavlja – u kojoj fazi je realizacija Inicijative za izmjenu Plave knjige koju je pokrenuo Zavod zdravstvenog osiguranja HNK u aprilu 2016. godine? Koji su konkretni koraci koje Ministarstvo namjerava poduzeti kada je riječ o izjedančavanju stomatoloških usluga za djecu sa teškoćama u razvoju na području Federacije BiH?

Pitanje upućuje Agenciji za državnu službu BiH – traži da joj se dostavi tumačenje u primjeni člana 28. stav 1. Zakona o državnim službenicima u institucijama BiH.

Naredno pitanje uputila je Federalnom ministarstvu kulture i sporta – kada će izdati strategiju razvoja i sporta Federacije BiH? Ukoliko je strategija već u izradi, u kojoj je fazi i za koji period će biti predviđena?

Alma Kratina pitanje je postavila Federalnom ministarstvu turizma i okoliša, od kojeg traži na uvid privatizacijski ugovor iz 2004. godine, koji je u ime Vlade potpisao tadašnji premijer, a koji je i danas nedostupan javnosti. U njemu su definisane obaveze ArcelorMittala kao ugovorne strane u pomenutom privatizacijskom ugovoru.

Kazala je da je dobila odgovor na inicijativu vezano za donošenje novog seta okolinskih dozvola i da se očekuje finalizacija tog odgovora krajem januara.

Inicijativa koju je pripremila za današnju sjednicu, tiče se građana Zenice koji su ostali bez grijanja. Zamolila je Vladu da ima razumjevanja za građane Zenice te da ih oslobodi plaćanja zatezних kamata za električnu energiju do kraja 17-tog i u skladu sa zakonskim mogućnostima razmotre odgodu plaćanja računa za električnu energiju.

Damir Mašić prvo pitanje uputio je Vladi Federacije BiH i premijeru Novaliću - zašto je dala nalog svom predstavniku u Skupštini dioničara BH Telecom-a da odbije izvještaj o radu za 2016. godinu i da glasa protiv trogodišnjeg plana poslovanja BH Telecom-a? Šta su razlozi za to? Je li BH Telecom poslovaо nezakonito i šta je toliko loše u planu poslovanja da ga je Vlada odbila? Da li je i zbog čega plan poslovanja suprotan politici Vlade i da li plan podrazumijeva da BH Telecom i dalje ostane državna kompanija, pa je zbog toga odbijen?

Dругo pitanje također je uputio Vladi Federacije BiH – u nalazima federalnog revizora ustanovljeno je da se neke osobe nalaze na pet do šest funkcija u komisijama, nadzornim odborima, odborima za reviziju, dok su određene osobe za jedan dan istovremeno uzimale putne naloge za tri grada u BiH – traži od Vlade da dostavi podatke o kojim osobama se radi i na kojim funkcijama se nalaze.

Pokrenuo je inicijativu, odnosno tri zaduženja prema Vladi Federacije BiH: - Zadužuje se Vlada Federacije BiH da dostavi Parlamentu i objavi dopunsko Pismo namjere, koje je u decembru poslano MMF-u; - Zadužuje se Vlada Federacije BiH da obustavi sve postupke privatizacije državnog kapitala u Federaciji BiH do stupanja na snagu novog Zakona o privatizaciji u Federaciji BiH i Zakona o općem javnom dobru; - Zadužuje se Vlada Federacije BiH da u roku od 60 dana utvrdi i u redovnu parlamentarnu proceduru uputi Nacrt novog zakona o privatizaciji i Nacrt Zakona o općem javnom dobru u Federaciji BiH.

Mujo Hodžić pitanje je uputio Federalnom ministarstvu zdravstva – kada će se realizirati Odluka Vlade Federacije BiH, kojom je na redovnoj sjednici od 23.12.2016. zadužila Federalno ministarstvo zdravstva da započne pregovore oko Kolektivnog ugovora sa Savezom strukovnih sindikata doktora medicine i stomatologije Federacije BiH.

Slavica Josipović pokrenula je inicijativu za obilježavanje važnih historijskih datuma i događaja. U uvodu se osvrnula na važne oslobodilačke akcije u toku rata, te da 06. avgust ima posebno mjesto u Federaciji BiH kao i u Bosni i Hercegovini. Inicijativu pokreće prema članovima Predsjedništva BiH Bakiru Izetbegoviću i Draganu Čoviću.

Elma Đogić ponavlja inicijativu koja ranije nije usvojena – za donošenje Zakona o humanitarnoj pomoći u Federaciji BiH, kojom će Vlada Federacije BiH i Predstavnički dom Parlamenta Federacije BiH obavezati Federalno ministarstvo rada i socijalne politike da oformi radnu grupu koja će pristupiti izradi prdnacrta Zakona o humanitarnoj pomoći.

Druga inicijativa kojom od rukovodstva i Kolegija Predstavničkog doma traži da pokrene aktivnosti oko izrade USTREAM YOUTUBE kanala Predstavničkog doma Parlamenta Federacije BiH, putem kojeg će građani moći on line pratiti zasjedanje Predstavničkog doma.

Pitanje je postavila Vladi Federacije BiH, Federalnom ministarstvu energije, rudarstva i industrije, Agrokomercu dd Velika Kladaša - da li je ugovor o zakupu poslovnog prostora i opreme od 28.01.2013. godine između Agrokomerca dd Velika Kladaša i Gadžo komerca doo Sarajevo još uvijek na snazi? Ako nije, na koji način je regulisan odnos između dva privredna subjekta kada je u pitanju zakup poslovnih prostorija i opreme, koliko iznosi mjesečno zakupnina prostora i opreme po ugovoru i koliki iznos zakupnine je Agrokomerc do sada naplatio od Gadžo komerca, te na koji način je regulisano korištenje loga i proizvoda brenda Agrokomerc od Gadžo komerca i da li na osnovu svega ovoga Agrokomerc ostvaruje finansijsku korist?

Radoslav Luburić pitanje je uputio Federalnom ministarstvu poljoprivrede vodoprivrede i šumarstva – zašto nisu isplaćeni poticaji za nekoliko pojedinaca u 2016. godini, tačnije subвенicije na kapitalna ulaganja?

Bajro Makić pitanje je uputio Autocestama Federacije BiH kojim traži da mu se hronološki dostave sve do sada provedene aktivnosti u vezi Projekta brze ceste Lašva – Nević Polje – Travnik – Jajce, skica trase, model finansija, šta se planira uraditi u naredne dvije godine i kada se očekuju prvi radovi na brznoj cesti?

Zdravko Kuzman prvo pitanje uputio je Vladi Federacije BiH, odnosno Federalnom ministarstvu prometa i komunikacija, a vezano je za projekte prometnica u Hercegovini i kada će se realizirati.

Drugo pitanje postavio je Vladi Federacije BiH - zašto se finansijski ne pomaže Sveučilišnoj klinici u Mostaru?

Amra Kunovac pita – kada će Federacija dobiti alimentacioni fond ?

Drugo pitanje uputila je Federalnom ministarstvu zdravstva – da li je urađen Akcioni plan za implementaciju strategije za prevenciju, tretman, kontolu malignih neoplazmi a naročito da li je uvršteno praćenje prevencija kasnih posljedica liječenja pedijatrijskog maligniteta za sve zdravstvene ustanove?

Pokreće inicijativu koja se odnosi na diplomirane inženjere medicinske laboratorijske dijagnostike, diplomirane inženjere medicinske radiologije, sanitarne inženjere i diplomirane fizioterapeute – kada će oni dobiti zasebne komore.

Sljedeća inicijativa također je upućena prema Federalnom ministarstvu zdravstva, a tiče se ostvarivanja prava za specijalističko i subspecijalističko usavršavanje zdravstvenih radnika koji se obrazuju na Fakultetu zdravstvenih usluga.

Marin Barbarić pita u kojoj fazi je projekat koji se odnosi na Koridor Vc Zvirovići-Počitelj?

Postavlja pitanje – traži od direkcije Autocesta da mu dostavi informaciju o provedenoj konkursnoj proceduri kao hodogram dalje aktivnosti po pitanju rješavanja imovinsko – pravnih odnosa, pripremnih radova i građevinskih radova na svim lotovima dionice Zvirovići - Počitelj.

Ramiz Meša pitanje je uputio Poreznoj upravi i Federalnom ministarstvu finansija – od ukupnog broja kontrola koliko se odnosilo na priređivače igara na sreću ukupno i po kantonima koliko je naplaćeno kazni od istih?; Da li se poštuje Pravilnik o prostornim, tehničkim i drugim uslovima za priređivanje igara na sreću i klađenja objavljen u “Službenim novinama FBiH” broj 26/16 u prvom redu član 3., član 9. stav 1. i 3. i član 12. stav 1. i 3. kao i član 13. stav 2.?

Treće pitanje koje se odnosi na općine i gradove, odnosno njihove nadležne inspeksijske službe, da li se poštuje Pravilnik o prostornim, tehničkim i drugim uslovima za priređivanje igara na sreću?

Mehrudin Švago prvo pitanje uputio je Federalnom ministarstvu poljoprivrede, vodoprivrede i šumarstva i Federalnom ministarstvu finansija – zašto nije isplaćen jedan zaostali mjesec iz 2014. godine za poticaj za mlijeko? Zašto se u 2016. godini isplaćuju prva tri mjeseca pa se četvrti preskače, a uplaćuje se za peti mjesec 2016. godine? Ko je odgovoran za ovaj propust i šta je ministarstvo poduzelo po ovom pitanju?

Drugo pitanje upućeno je Federalnom ministarstvu razvoja, poduzetništva i obrta kao i Poreznoj upravi – kakav je status pet privatnih poduzetnika koji su od 1996. do 2001. godine bili registrovani i radili poslove prijevoza trupaca? Kazao je da su pet prevoznika (Talić Mustafa, Orahović Hamdija, Junuzović Ibro, Junuzović Dževad i Begić Asim) uplaćivali doprinose penzijsko-invalidskog i zdravstvenog osiguranja u iznosu od 360 KM, a nema ih u registru i nije im priznat staž iz tog perioda. Traži od Ministarstva da provjeri ovaj slučaj.

Nasir Beganović osvrnuo se na imenovanje ministra Aljoše Čampare u Komisiju za uvjetni otpust, te traži odgovor od Ministarstva i ministra - kako je moglo doći do tog imenovanja, kada je ministar taj koji treba da provodi zakon i da se bori protiv kriminala, da li je on jedini pravnik i jedina osoba koja je mogla da bude imenovana u Komisiju? Da li postoji ijedan drugi pravnik ili osoba koja je mogla da obavlja tu funkciju i pita ministra koji su mu motivi da se imenuje u Komisiju? Traži da se ministar očituje o ovom pitanju?

Ismet Kurić pokrenuo je inicijativu za izmjenu Zakona za produženje roka za otkup stanova na kojima postoji stanarsko pravo.

Pitanja upućuje ministru Šemsudinu Dediću - šta će ministar učiniti odnosno predložiti Ministarstvu vanjske trgovine i ekonomskih odnosa BiH da ne dođe do značajnih problema u mljekarskom sektoru, stupanjem na snagu Sporazuma o

stabilizaciji i pridruživanju? U novom prijedlogu Pravilnika o podrškama o modelu poticaja proizvodnji planirano je podsticanje proizvodnje svježeg kravljeg mlijeka od 900 litara po grlu kvartalno. Pita ministar da li je to malo? Da li to znači da se podstiče maksimalna proizvodnja od 3.600 litara po grlu godišnje, a zna se da je prosječna proizvodnja 6.700 litara? Kada će ministar konačno isplatiti zaostale poticaje poljoprivrednim proizvođačima? Zašto je nepravedno izostavio biljnu proizvodnju i poticaje i kada će to riješiti? Kazao je da Ministarstvo poljoprivrede, vodoprivrede i šumarstva od dana dolaska ministara Dedića nije Parlamentu ponudio nijednu konkretnu mjeru poboljšanja stanja u poljoprivredi. Traži od ministra da dostavi kalkulaciju na osnovu koje tvrdi da je radno mjesto u poljoprivredi 6.000 KM? Šta je sa izmjenom i dopunom Zakona o poljoprivredi Federacije BiH, Zakonom o veterinarstvu, Zakonom o ruralnom razvoju, Zakonom o vodama i Zakonom o poticajima? Šta je sa kontrolom rizika za uvoz roba u BiH?

Jasmin Kadić prvo pitanje uputio je rukovodstvu Doma – zašto nisu razmatrani izvještaji o radu i poslovanju javnih preduzeća Elektroprivreda BiH i Elektroprivreda HZHB, te je zamolio da se na narednoj sjednici obezbjede izvještaji za 2015. i 2016. godinu i da se uvrste u dnevni red.

Pitanje je uputio i Federalnom ministarstvu energije, rudarstva i industrije a odnosi se na izradu Energetske strategije, te koje su aktivnosti poduzete da se osiguraju sredstva za izradu Strategije?

Jasna Duraković Hadžiomerović pitanja je uputila Federalnom ministarstvu zdravstva – u kojoj fazi je prednacrt Zakona o kontroli i ograničenoj upotrebi duhana, duhanskih i ostalih proizvoda za pušenje, te kada će se naći na dnevnom redu? Kada će se Zakon o hemikalijama implementirati i kada stupa na snagu u Federaciji BiH?

Drugo pitanje - da li fizičko lice koje je odgovarajuće stručne spreme ima zakonsko pravo pristupiti polaganju ispita za savjetnika za hemikalije ili se navedeno isključivo odnosi na pravno lice? Da li je certifikat o položenom ispitu za savjetnika izdat u jednom entitetu važeći i priznat u drugom entitetu? Da li je pravno lice koje koristi hemikaliju u svrhu industrijske proizvodnje dužno uposliti savjetnika ili ga može povremeno angažirati ovisno od obima posla?

Hasida Isaković pitanje je uputila Federalnom ministarstvu prometa i komunikacija, Federalnom ministarstvu finansija i Federalnom ministarstvu prostornog uređenja, a osvrnula se na strateški dokument BiH za razvoj infrastrukturnih projekata, gdje nema ni jednog projekta za područje Tuzlanskog kantona. Naglasila je da u ovaj Kanton već dvadeset godina nije uloženo ništa.

Dario Knezović pitanje je uputio Vladi Federacije BiH od koje traži tabelarni prikaz broja uposlenih i nacionalnu strukturu u Vladi Federacije BiH, ministarstvima, upravama, agencijama, zavodima i drugim organima na nivou Federacije.

Anela Šestić Begović pitanje je uputila vezano za grijanje u Zenici, jer brojne školske ustanove kao i “Dom porodica” nemaju grijanja – na koji način se može riješiti ovaj problem?

Pokreće inicijativu koja se odnosi na ostvarivanje prava na bolovanje jednog roditelja ili staratelja, ako su oba roditelja u radnom odnosu, djece oboljele od malignih bolesti tokom dijagnostike i aktivnog liječenja, te da tokom bolovanja imaju pravo na stoposto plaće. Traži da se ova inicijativa proslijedi premijeru Vlade kao i Federalnom ministarstvu zdravlja i Federalnom ministarstvu za socijalna pitanja.

Ismet Osmanović prvo pitanje uputio je Upravi za inspekcijske poslove – koliko su kantonalne uprave za inspekcijske poslove izvršile kontrola izdavanja računa kupcima u 2016. godini i koliko su izrekli sankcija po toj kontroli?; Koliko su

obavile kontrola bespravnog rada i rada na crno?; Koliko su ovim kontrolama otkrili neprijavljenih radnika, rada na crno i koliko su utvrđenim nepravilnostima podnijeli prekršajnih prijavi i koji su novčani iznosi kazni koje su izrečene i koje su neplaćene po toj osnovi?

Pitanje upućuje Federalnom ministarstvu finansija – da li je, kada i koliko Ministarstvo vratilo poreza na dobit HT Eronetu i BH Telekomu?

Rasim Omerović pitanje je uputio Federalnoj direkciji cesta i Federalnom ministarstvu prometa i komunikacija – kada će biti završeni projekti izgranje trotoara na magistralnom putu M4 na području Općine Kalesija?

Drugo pitanje ponavlja i upućuje ga Federalnom ministarstvu pravde kao i Ministarstvu pravde Tuzlanskog kantona, a vezano je za status državnih službenika – koja osoba ima status državnog službenika a koja rukovodećeg državnog službenika u jedinicama lokalne samouprave i koji propis uređuje takav status?

Dževad Adžem ponovio je ranije postavljena pitanja upućena ministrici Jelki Milićević a tiču se Bosansko-podrinjskog kantona. Kada će ministrica odrediti iznose sredstava finansijski teško održivim kantonima i općinama i kada Vlada planira transferirati finansijska sredstva? Kako je moguće da Bosansko-podrinjski kanton u programu javnih investicija 2015.-2017., 2016.-2018., 2017.-2019. nije uvršten u program javnih investicija. Traži da mu se dostavi, koje je projekte kandidovala Vlada Bosansko-podrinjskog kantona i općine u njenom sastavu i koji od tih programa su ušli u program javnih investicija?

Almir Zulić pitanje je uputio Federalnom MUP-u a vezano za uspostavljanje novog sistema za automatsku obradu otisaka prstiju za sve policijske agencije u BiH. Kada će se riješiti problem lokacije ovih servera, u kojoj fazi je i da li će ova donacija biti trajno izgubljena?

Elvir Karajbić prvo pitanje uputio je Autocestama Federacije BiH i Federalnom ministarstvu prometa i komunikacija - kada se može očekivati uvođenje vinjeta (polugodišnjih ili godišnjih) za korištenje autoceste u Federaciji?

Drugo pitanje uputio je rukovodstvu Kantonalne bolnice Zenica, resornom ministarstvu i Vladi Zeničko-dobojskog kantona a vezano je za pojavu insekata u bolnici i šta će učiniti kako bi se ovo iskorijenilo?

Jasmina Zubić pitanje je uputila Federalnom ministarstvu prostornog uređenja – kada će se implementirati Projekat energetske efikasnosti na objektu JU OŠ “Mula Mustafa Bašeskija” Donje Moštre, Visoko, a prema Sporazumu koji je potpisan između Federalnog ministarstva prostornog uređenja, OŠ “Mula Mustafa Bašeskija” i Ministarstva za obrazovanje nauku kulturu i sport Zeničko-dobojskog kantona, dana 17.03.2016.

Drugo pitanje uputila je Upravnom odboru za indirektno oporezivanje i Vijeću ministara BiH – kada će Vijeće ministara i Upravni odbor za indirektno oporezivanje ispoštovati član 276., i 208. Zakona o carinskoj politici “Službeni glasnik” broj 58/2015 i donijeti provedbene propise?

Inicijativa je upućena Ministarstvu zdravlja Zeničko-dobojskog kantona i Zavoda zdravstvenog osiguranja, a vezana je za uvođenje dežurstva na vaskularnom odjeljenju Kantonalne bolnice Zenica. Inicijativu će predati nadležnoj službi Doma.

Midhat Karović ponovio je ranije postavljena pitanja – kada će biti imenovan Neovisni odbor i Odbor za žalbe građana?

Prešlo se na izmjene i dopune dnevnog reda.

U diskusiji su učestvovali: Dženan Đonlagić, Jozo Bagarić, Dennis Gratz, Elvir Karajbić, Elma Đogić i Salem Halilović.

Prijedlog Joze Bagarića da se sa dnevnog reda skine tačka 5. Prijedlog Zakona o liječenju biomedicinski potpomognutom oplodnjom nije usvojen (13 glasova za, 31 glas protiv i uz 16 uzdržanih glasova).

Prijedlog Elme Đogić da se sa dnevnog reda skine tačka 8. Nacrt Zakona o boračkim udruženjima od posebnog društvenog značaja, čiji je predlagač Ismet Osmanović, nije usvojen (osam glasova za, 31 glas protiv i uz 20 uzdržanih glasova).

Prijedlog Dennisa Gratz da se u dnevni red uvrsti Deklaracija vezana za neuspjele izbore u Stocu nije usvojen (35 glasova za, 13 glasova protiv i uz 21 uzdržani glas).

Sa 70 glasova za, jedan glas protiv i uz sedam uzdržanih glasova, usvojen je sljedeći:

D N E V N I R E D

1. Prijedlog Zakona o izmjenama i dopunama Zakona o naplati i djelimičnom otpisu dugovanja sportskim kolektivima (predlagač: Slađan Ilić, delegat u Domu naroda)- skraćeni postupak,
2. Prijedlog Zakona o izmjenama i dopunama Zakona o zdravstvenom osiguranju, (predlagač: Alma Kratina) – skraćeni postupak,
3. Prijedlog Zakona o izmjenama i dopunama Zakona o zdravstvenoj zaštiti (predlagač: Dennis Gratz) – skraćeni postupak,
4. Prijedlog Zakona o izmjenama i dopunama Krivičnog zakona Federacije BiH, (predlagač: Dennis Gratz),
5. Prijedlog Zakona o liječenju neplodnosti biomedicinski potpomognutom oplodnjom, (predlagač: Klub zastupnika SDP-a) - skraćeni postupak,
6. Prijedlog Zakona o izmjenama Zakona o Fondu za zaštitu okoliša Federacije BiH (predlagač: Dennis Gratz) – skraćeni postupak,
7. Nacrt Zakona o boračkim udruženjima od posebnog društvenog značaja, (predlagač: Ismet Osmanović),
8. Izbori i imenovanja.

- 1. Prijedlog Zakona o izmjenama i dopunama Zakona o naplati i djelimičnom otpisu dugovanja sportskim kolektivima** (predlagač: Slađan Ilić, delegat u Domu naroda) - skraćeni postupak,

Prijedlog Zakona utvrdio je Slađan Ilić, delegat u Domu naroda.

Prijedlog Zakona razmatrala su nadležna radna tijela i dostavila izvještaje.

Dom naroda je na svojoj sjednici od 02.12.2016 godine usvojio ovaj Prijedlog zakona, sa jednim amandmanom predlagača, koji je postao sastavni dio Prijedloga zakona.

U ime Vlade Federacije BiH niko nije obrazlagao.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne da li će se razmatrati po skraćenom postupku, a što je sa 58 glasova za, pet glasova protiv i uz četiri uzdržana glasa usvojeno.

U raspavi niko nije učestvovao.

Sa 62 glasa za, šest glasova protiv i uz sedam uzdržanih glasova, usvojen je Prijedlog Zakona o izmjenama i dopunama Zakona o naplati i djelimičnom otpisu dugovanja sportskim kolektivima.

Pauza do 14.00

Nakon pauze na rad se prešlo po tački 2. dnevnog reda.

2. Prijedlog Zakona o izmjenama i dopunama Zakona o zdravstvenom osiguranju, (predlagač: Alma Kratina) – skraćeni postupak

Prijedlog Zakona utvrdila je zastupnica Alma Kratina.

Prijedlog Zakona razmatrala su nadležna radna tijela i dostavila izvještaje.

Zastupnica Kratina dala je dodatno obrazloženje.

Prije otvaranja pretresa, potpredsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, a što nije usvojeno (36 glasova za, 12 glasova protiv i uz 20 uzdržanih glasova), te će se razmatrati u formi nacрта.

U raspravi su učestvovali: Jasmina Zubić, Davor Vuletić, Amra Haračić, Jasmin Kadić, Alma Kratina, Ismet Osmanović, Munib Jusufović, Mahir Mešalić, Slavica Josipović, Dževad Adžem, Zana Marjanović, Kasim Mulalić Elvir Karajbić, Damir Mašić, Jozo Bagarić, Mira Grgić, Ivan Musa i Ilhan Bušatlić.

Potpredsjedavajući Bošković pozvao je zastupnike da se izjasne o zaključku.

Sa 40 glasova za, 12 glasova protiv i uz 16 uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o zdravstvenom osiguranju i smatra da može poslužiti kao dobra osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u toku rasprave.

3. Prijedlog Zakona o izmjenama i dopunama Zakona o zdravstvenoj zaštiti (predlagač: Dennis Gratz) – skraćeni postupak,

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Predlagač Dennis Gratz dao je dodatno obrazloženje.

U ime Vlade Federacije BiH dodatno obrazloženje dala je Snježana Bodnaruk.

Prije otvaranja pretresa potpredsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, a što nije usvojeno (28 glasova za, 11 glasova protiv i uz 13 uzdržanih glasova), te će se razmatrati u formi nacрта.

U raspravi su učestvovali: Dennis Gratz, Zlatko Kravić, Ibrahim Šišić i Boris Barun.

Potpredsjedavajući Bošković pozvao je zastupnike da se zaključkom izjasne o Nacrtu Zakona o izmjenama i dopunama Zakona o zdravstvenoj zaštiti, a koji nije usvojen (15 glasova za, 16 glasova protiv i uz 27 uzdržanih glasova).

4. Prijedlog Zakona o izmjenama i dopunama Krivičnog zakona Federacije BiH, (predlagač : Dennis Gratz),

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje. Predlagač Dennis Gratz dao je dodatno obrazloženje.

U raspravi niko nije učestvovao.

Sa 21 glasom za, 15 glasova protiv i uz 23 uzdržana glasa, nije usvojen Prijedlog Zakona o izmjenama i dopunama Krivičnog zakona Federacije BiH.

5. Prijedlog Zakona o liječenju neplodnosti biomedicinski potpomognutom oplodnjom, (predlagač Klub zastupnika SDP-a) - skraćeni postupak,

Prijedlog Zakona utvrdio je Klub zastupnika SDP.

U ime predlagača dodatno obrazloženje dao je Elvir Karajbić, predsjednik Kluba zastupnika SDP.

U ime Vlade Federacije BiH obrazlagala je Snježana Bodnaruk.

U ime Kuba parlamentarki obrazlagala je Mira Grgić.

Prije otvaranja pretresa potpredsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, a što nije usvojeno (29 glasova za, pet glasova protiv i uz 22 uzdržana glasa), te će se razmatrati u formi nacрта.

U raspravi su učestvovali: Damir Mašić, Elvir Karajbić, Dennis Gratz, Mira Ljubijankić, Dževad Adžem, Amra Kunovac i Zlatko Kavić,

Potpredsjedavajući Bošković pozvao je zastupnike da se izjasne o zaključku.

Sa 47 glasova za, 10 glasova protiv i uz osam uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o liječenju neplodnosti biomedicinski potpomognutom oplodnjom i smatra da može poslužiti kao dobra osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u toku rasprave.

6. Prijedlog Zakona o izmjenama i Zakona o Fondu za zaštitu okoliša Federacije BiH (predlagač: Dennis Gratz) – skraćeni postupak,

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa potpredsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, a što nije usvojeno (28 glasova za, 10 glasova protiv i uz 17 uzdržanih glasova), te će se razmatrati u formi nacрта.

Potpredsjedavajući je kazao da je Jasmina Zubić uložila jedan amandman. Budući da se ovaj Zakon razmatra u formi nacрта, tretiraće se kao primjedba.

U raspravi su učestvovali: Boris Barun, Jasmina Zubić, Suzana Franjka Galić i Ilhan Bušatlić.

Na osnovu rezultata glasanja nije usvojen Nacrt Zakona o izmjenama i Zakona o Fondu za zaštitu okoliša Federacije BiH (29 glasova za, 12 glasova protiv i uz 20 uzdržanih glasova).

7. Nacrt Zakona o boračkim udruženjima od posebnog društvenog značaja, (predlagač: Ismet Osmanović),

Nacrt Zakona utvrdio je zastupnik Ismet Osmanović.

Nacrt Zakona razmatrala su nadležna radna tijela i dostavila izvještaje.

Predlagač Osmanović dao je dodatno obrazloženje.

Ministar Salko Bukvarević dao je dodatno obrazloženje.

U raspravi je učestvovao Zukan Helez.

Potpredsjedavajući je pozvao zastupnike da se izjasne o zaključku.

Sa 45 glasova za, 18 glasova protiv i uz šest uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o boračkim udruženjima od posebnog društvenog značaja i smatra da može poslužiti kao dobra osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u toku rasprave.

Određuje se javna rasprava u trajanju od 60 dana.

Potpredsjedavajući Bošković prekinuo je rad sjednice u 18.28.

* * *

NASTAVAK 16. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 25.01.2017. godine

Sjednica je počela u 10.50.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio sve koji prisustvuju današnjem zasjedanju.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Rad se nastavio po tački 8. dnevnog reda.

8. Izbori i imenovanja

Komisija za izbor i imenovanja na svojoj 22. sjednici (24.01.2017. godine) razmatrala je: Prijedlog Odluke o imenovanju direktora Agencije za bankarstvo u Federaciji BiH; Prijedlog Odluke o imenovanju zamjenika direktora Agencije za bankarstvo u Federaciji BiH; Prijedlog Odluke o osnivanju i imenovanju članova Vijeća nacionalnih manjina u Federaciji BiH.

U ime Komisije za izbor i imenovanja dodatno obrazloženje dao je predsjednik Komisije Mladen Bošković.

U raspravi niko nije učestvovao.

Sa 56 glasova za, devet glasova protiv i uz devet uzdržanih glasova, usvojen je Prijedlog Odluke o imenovanju direktora Agencije za bankarstvo u Federaciji BiH, kojim se za direktora imenuje Jasmin Mahmuzić.

Sa 57 glasova za, 11 glasova protiv i uz devet uzdržanih glasova, usvojen je Prijedlog Odluke o imenovanju zamjenika direktora Agencije za bankarstvo u Federaciji BiH, kojim se za zamjenika direktora imenuje Dubravka Bošnjak.

Sa 70 glasova za, četiri glasa protiv i uz četiri uzdržana glasa, Predstavnički dom donio je Odluku o osnivanju i imenovanju članova Vijeća nacionalnih manjina u Federaciji BiH.

Predsjedavajući je zaključio rad 16. redovne sjednice Predstavničkog doma Parlamenta Federacije BiH u 10.55.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić